

17
(10)
Zweiter Brief

7



AD
DIGNISSIMAM SALUTAREMQUE
PASSIONIS CHRISTI

CONSIDERATIONEM
IN ACTU
ORATORIO-VALEDICTORIO,

D. FEBRUARII M DCC VIII
HORA INSTITUENDAM

NOBILISSIMOS AMPLISSIMOSQUE MUSARUM
MAECENATES, PATRONOS AC FAUTORES

OFFICIOSISSIME HUMANISSIMEQUE INVITAT

M. GODFRID. STEINBRECHERUS,
 Illustri Schol. Torgaviens. **RECTOR.**

WITTENBERGÆ,
LITERIS CHRISTIANI GERDESII

...





Quam religioſe ſacra myſteria a prudentioribus Eth-
nicis celebrata fuerint, id antiquiora ipſorum mo-
numenta paſſim comprobant. Religioſus ille Ro-
manorum Rex ſecundus Numa Pompilius præ-
ter alia ſacra rite inſtituit ac præcepit, ut in omni-
bus omnino diebus feſtis, per urbem præcones præ-
cederent, qui quieſcere cives & ab operibus deſiſtere iuberent, ſicut
rem enarrat *Plutarchus in Vita Numæ*, ubi addit: quod hic Nu-
ma cives ſuos decere exiſtimaverit: *Neque audire quicquam re-
rum divinarum, neque aſpicere per negligentiam, ſed vacare a cæ-
teris oportere mentemque adhibere, perinde ut rei ad pietatem ma-
xime opportuna, unde & crepitibus, ſtrepitibus genitibusque &
quæcunque huiusmodi neceſſarios vulgarium artium labores conſe-
quantur, vias vacuas ceremoniis præſtare, juſſerit.* Id quod etiam
prudentiſſimus ille Pythagoras diſcipulis ac civibus ſuis obſervan-
dum inculcavit: *Ut non per tranſitum adorarent Deos immortales,
ſed continuo ex ipſa domo, mente ad id parati pergerent.* Ro-
manis feriæ adeo ſanctæ habebantur, ut in Tabulis XII. hæc lex a
Decemviris decreta fuerit: *Feris jurgia amovento: eaſque
in ſamulis, operibus patratis, habento.* Quam legem Tullius
lib. 2. de Legibus explicans, *Feriarum*, ait, *feſtorumque dierum
ratio in liberis quietem habet litium, in ſervis operum & laborum.*
Et quamvis Gentilium Bacchanalia celebrata a Chriſtianiſimo merito
improbentur juxta ac damnentur, ſi tamen cum illis illa Bacchana-
lia, ſeu geniales iſti appetentis quadragenarii jejunii dies (vulgo Car-
niſprivium, Itali *Carnaval* vocant,) qui inſtante Paſſionis Chriſti
tempore, paſſim ſolemniffime celebrantur, comparari poſſunt; a
profanis gentibus pudore ſuffundimur Chriſtiani. Audiamus Ora-
torem illum Græcorum celeberrimum Demofthenem, qui alapa
cæſus in orchestra Bacchanalium a Midia homine opulentiſſimo
impietatis & capitis ſimul eum accuſavit apud populum: *Quod hoc
facto & Bacchum & Feſtum ejus violaffet.* Exaggerat accuſatio-
nem recitatione legis, quam Evægoras tulerat, in eaque decreverat:
*Ne in Bacchi Feſtis liceat vel pignora, vel quicquam, quod ſit
alterius, capere, ne illorum quidem, qui ad diem non ſolviffent.*
*Siquis vero in horum aliquid commiſſet, ei, qui paſſus eſſet inju-
riam, jus eſſet accuſandi & conquerendi de eo in concione, in æde
Bacchi congregata.* Ad extremum Orationis addit Demofthenes,
hanc legem ita ſanctæ ab Athenienſibus obſervatam fuiſſe, ut Evan-
drium quendam damnaverint, nullius alioquin criminis reum, ἢ ὅτι
διὴν ἐμπορικὴν καταδικασάμεν & τὸ Μενίππης ἐν ἔχων πρότερον
λαβὼν αὐτὸν, τοῖς Μυσερίοις ἐπιδημῶντ & ἐπελάβετο: *Quam quod
Menippum a ſe acione mercatoria damnatum, quem prius compre-
hendere eam nuſquam potuiſſet, in Myſteriiſ hominem naclus com-
prehendiſſet.* Notatu digniſſima verba ſunt Baronii, qui in Faſtis
Mar-

Martyrum die VI. Januar. p. 25. ita scribit: *Celeberrimam semper fuisse Christianis ejusmodi (Felti nimirum Epiphaniorum) solemnitatem declarat Caesarum presentia, adeo, ut ne impii quidem Principes ab ea celebritate abessent, siquidem Julianus Apostata, qui pallio Christianae simulatae religionis, latentem impietatem studebat contegere, cum esset in Gallia, voluit ea die cum ceteris Christianis sacris interesse mysteriis, ut scribit AMMIAN. MARCELL. Lib. XXI. Id ipsum praestitit Valens Imp. Arianus, ut de eo scribit GREG. NAZIAN. Orat. in Laud. Basilii. Visus enim fuisset a Christiana fide profusus extorris, qui tantis solemnibus non adesset. Theodosius Imp. sic hujus diei celebritatem coli iussit, ut septem diebus, qui praecedunt, ac totidem, qui subsequuntur, judicialem strepitum conticescere iusserit, l. II. C. de Fer. Hæc BARON. cujus verba etiam leguntur apud SPOND. T. I. Annal. Eccles. A. C. I. n. 8. fol. 12. Conf. Hildebrand. in Tract. de Sacris publ. & diebus festis C. 4. Proh DEUM immortalem! quanta hodierno, tempore imprimis sanctissimo, impietas, quanta heluaciones, feditates, clamores, conflictus! plusve impietatis ac flagitii unquam committitur, quam tempore, quo dulcissimus Servator durissimam passionem mortemque truculentissimam subire cepit? Nimirum Christiani imitatur corruptissimos Ethnicorum mores, quin! his corruptiores sumus, ita, ut fuci expertus Christianus rectius suam faciat responsonem illam Stratonici Musici, qui Heracleam civitatem egressus, quum portus illius ac menia circumspiceret, percunctanti cuidam: quid circumspiceret? dicebat: *Pudet, si videar exire e lupanari.* Maxima saepe Christiani orbis pars hodie Bacchanal est, lupanar est, ubi Baccho & Veneri strenue litatur, quid? quod Curios alio tempore, qui simulant, Bacchanalia hoc tempore vivere haud erubescunt, morumque suorum corruptionem palliaturi, modo provocant ad Majores, quorum institutis omnia sint iudicanda, adeo, ut quasi degeneres sibi viderentur, nisi traditum a Majoribus morem ac consuetudinem, quippe quam vel trium annorum violare, capite ab Atheniensibus sancitum olim fuerit, rite fervarent. Modo heluantium oculos animosque fascinat jucunda, si qua est, utilitas, ac voluptas egregia scilicet! quæ a Bacchanalium more soboriatur, nonne, inquirunt, jucunditas est, vino eluere pelle-reque curas? oculos singulis epularum spectaculis delectare? gulam ventremque opimis cœnarum deliciis faginare? Nares odoratis aromatibus recreare? Unde major voluptas, quam si quis bene potus ac vinolentus domum reversus, in lapides scintillante ferro grassetur, omnemque licet familiam profligans ac prosternens, adulationibus tamen verborumque lenitate excipiatur, dominus patronusque salutetur, & crapula oppressus, vel in folio vel lecto molli collocetur? Quin eo quidam impietatis ac dementiae procedunt, ut more ferarum ructantes, canino turpiter vomentes, sanitatem hoc ipso procurari, stomachum ad lautas epulas capiendas aptari, quid? corpo-*

corpora comotatione oppressa corruptaque ad cultum insequen-
tibus jejuniis ac sacris faciendum, melius præparari palam pronun-
ciant. At vero, quid magis impium, turpe magis, Deoque displi-
cens esse potest, quam eo tempore, quo Servator noster dulcissimus,
nostræ salutis ergo recuperandæ, cruciatus exquisitissimos adire,
subire, sitire, esurire, mortemque ipsam omnium acerbissimam per-
peti cepit, eo, inquam, tempore, omnibus lætitiis incessere, more
insanientium Bacchanalia agitare, genio indulgere, luxuria diffluere,
in plateis vociferari, dimicare, omnibusque vitiorum ac flagitiorum
fordibus volutari? Sed valeant Epicuri de grege porci? Accuratio-
rem sanctioris hujus rei rationem habituri Nos, nostræque fidei
commisissis Discipulis veram viam Temporis, quo vivimus jam, ce-
lebrandi, Christi & digne considerandæ & salutariter
applicandæ præituri, sequentes Musis nostris Valedicturos, nec sine
ultima laude in celeberrimam VVittembergensium Academiam abi-
turos iussimus, quasdam de dignissima Temporis hujus sanctissimi
in publico Auditorum confessu habere Orationes, quas sicut & do-
cte & eleganter elaborarunt, ita ad se audiendum Nobilissimos Hu-
manissimosque DNN. Auditores demisse invitant:

I. CHRISTIAN. SAMUEL CLARUS,

Boraccens. Mifn.

Qui impias impiorum ferias ostensus, generatim de Bac-
chanalibus dicit.

II. JOHANN. PAUL. ZIRCKLERUS,

Prettina Saxo, &

III. PAULUS JACOBUS WAECHTLERUS,

Jutreboc. Saxo,

De dignissima Passionis Christi consideratione verba facturi
sunt, & quidem ille stylo Latio, hic Grajo.

IV. MICHAEL SCHULZIUS,

Jutreboc. Saxo, &

V. GEORGIUS HAUSCHILD,

Pirnenf. Mifn.

Modum ac viam Christi Passionis mortisque in quavis miseria &
afflictione morteque denique ipsa, fortiter ac constantè toleranda,
subeunda, applicandæ, sunt ostensuri, ille genere dicendi numeris
vincto, hic soluto. Tantum! Scribeb. Torgav. A.O.R. Die XV.
Kal. Martii M. DCC VIII.

78 M 437



TA → OL


kein Rest.

nur 5A, Sta. verknüpft bisher



1077







AD
DIGNISSIMAM SALUTAREMQUE

...S CHRISTI

...ERATIONEM
...ACTU

...VALEDICTORIO,

...JARI M DCC VIII
...INSTITUENDAM

...LISSIMOSQUE MUSARUM
...TRONOS AC FAUTORES

...MANISSIMEQVE INVITAT

...FEINBRECHERUS,

orgavienf. RECTOR.

...ENBERGÆ,
...STIANI GERDESII

